

陶集

五十一  
册

同治癸亥秋  
何氏篤慶書  
影宋本重刊

陶淵明文集序

梁昭明太子統



夫自銜自媒者士女之醜行不忮不求者明達之用心是以聖人韜光賢人遁

一作避

世其故何也含德之至莫踰於道

親己之切無重於身故道存而身安道

亡而身害處百齡之內居一世之中倏

忽比之白駒寄寓謂之逆旅宜乎與大

塊而榮枯

一作盈虛

隨中和而任放

一作教蕩

豈

能戚戚勞於憂畏汲汲役於人間齊謳

趙女之娛八珍九鼎之食結駟連鑣之

遊一作連騎之榮侈袂執圭之貴樂既樂矣憂

亦隨之何倚伏之難量亦慶吊之相及

智者賢人居之甚履薄冰愚夫貪士競

之一作此若泄尾閭玉之在山以見珍而

招一作終破蘭之生谷雖無人而猶一作自

芳故莊周垂釣於濠伯成躬耕於野或

貨海東之藥草或紡江南之落毛譬彼

鴛鴦豈競鳶鷂之肉猶斯雜縣

一作海鳥甯

勞文仲之牲至如子常甯喜之倫蘇秦  
衛鞅之匹死之而不疑甘之而不悔主  
父偃言生不五鼎食死則五鼎烹卒如  
其言豈不痛哉

一作

又有楚子觀周受

折於孫滿霍侯駮乘禍起於負芒饕餮  
之徒其流甚衆唐堯四海之主而有汾  
陽之心子晉天下之儲而有洛濱之志  
輕之若脫屣視之若鴻毛而况於他乎

是以至人達士目以晦迹或懷釐而謁

帝或被褐

一作披裘

而負薪鼓楫清潭棄機

漠曲情不在於衆事寄衆事以忘情者  
也有疑陶淵明詩篇篇有酒吾觀其意  
不在酒亦寄酒為跡焉其文章不群詞  
彩精拔跌宕昭彰獨超衆類抑揚爽朗  
莫之與京橫素波而傍流干青雲而直  
上語時事則指一作詣而可想論懷抱則  
曠而且真加以貞志不休安道苦節不

以躬耕為耻不以無財為病自非大賢  
篤志與道污隆孰能如此乎余愛嗜其  
文不能釋手尚想其德恨不同時故更  
加搜求粗為區目白璧微瑕者唯在閑  
情一賦楊雄所謂勸百而諷一者乎一作  
幸無諷諫何必搖其筆端惜哉無是可  
也并粗點定其傳編之于錄嘗謂有能  
讀淵明之文者馳競之情遣一作鄙吝  
之意祛貪夫可以廉懦夫可以立豈止

仁義可蹈亦乃爵祿可辭不勞復傍遊  
太華遠求柱史此亦有助於風教爾

下



先君嘗謂辰曰汝外祖有北宋本陶集係蘇文忠手  
書以入墨板者為吾鄉有力者致之其後卒燼於火  
蓋文忠景仰陶公不獨和其詩又手書其集以壽梓  
其鄭重若此等祕冊如隋珠和璧豈可多得哉辰  
謹佩不敢忘一日晤錢遵王出此本示余開卷細玩  
是東坡筆法但思悅跋後有紹興十年跋缺其姓名知非北  
宋本矣而筆法宛是蘇體意從蘇本翻雕者初太  
倉顧伊人湄齋此書求售以示遵王遵王曰此元板也  
不足重伊人曰何謂遵王曰中有宋本作某非元板  
而何伊人語塞遂折閱以售余聞而笑曰所謂宋本

者宋丞相本也遵王此言不知而發是不智也知而  
言之是不信也余則久奉先君之訓知其為善本也  
伊人知之遂持原價贖之顏其室曰陶廬而乞當代  
巨手為之記余謂之曰微余言則明珠暗投久矣焉  
得所謂陶廬者乎今借余抄之可乎業師梅仙錢  
先生書法甚工因求手摹一本匝歲而後卒業業墨  
璀璨典刑儼然後之得吾書者勿易眎之也先外  
祖諱梅字德馨自號約菴嚴文靖公之孫中翰洞  
庭公第四子也甲戌四月下澣汲古後人毛扆謹識

總目

第一

詩

停雲一首

時運一首

祭木一首

贈長沙公族祖一首

酬丁柴桑一首

荅龐參軍一首

勸農一首

命子一首

歸鳥一首

第二

詩

形贈影一首

影答神一首

神釋一首

九日閑居一首

歸園田居六首

遊斜川一首

示周掾祖謝一首

乞食一首

諸人共遊周家墓柏下一首

怨詩楚調示龐主簿鄧治中一

首

答龐參軍一首

五月旦和戴主簿一首

連雨獨飲一首

移居二首

和劉柴桑一首

酬劉柴桑一首

和郭主簿二首

於王撫軍座送客一首

與殷晉安別一首

贈羊長史一首

歲暮和張常侍一首

和胡西曹示顧賊曹一首

悲從弟仲德一首

第三

詩

始作鎮軍叅軍經曲阿一首

庚子歲五月中從都還阻風於

規林二首

辛丑歲七月赴假還江陵夜行

塗中一首

癸卯歲始春懷古田舍二首

癸卯歲十二月中作與從弟劭

遠一首

乙巳歲三月為建威參軍使都

經錢溪一首

還舊居一首

戊申歲六月中遇火一首

己酉歲九月九日一首

庚戌歲九月中於西田穫早稻



一首

丙辰歲八月中於下溪田舍獲

一首

飲酒二十首

止酒一首

述酒一首

責子一首

有會而作一首

蜡日一首

四時一首

第四

詩

擬古九首

雜詩十二首

詠貧士七首

詠二疎一首

詠三良一首

詠荆軻一首

讀山海經十三首

擬挽歌辭三首

聯句一首

第五

賦辭

感士不遇賦

閑情賦

歸去來兮辭

第六

記傳贊述

桃花源記

并詩

晉故征西大將軍長史孟府君

傳

并贊

五柳先生傳

并贊

扇上畫贊

讀史述九章

第七

傳贊

天子孝傳贊

諸侯孝傳贊

卿大夫孝傳贊

士孝傳贊

庶人孝傳贊

第八

疏祭文

與子儼等疏

祭程氏妹文

祭從弟劄遠文

自祭文

第九

集聖賢群輔錄上

第十

集聖賢群輔錄下

陶淵明文集卷第一



詩

停雲 并序

停雲思親友也樽湛新醪園列初榮  
願言不從歎息彌襟云爾

靄二停雲濛二時雨八表同昏平路伊

阻靜寄東軒春醪獨撫良朋悠邈搔首

延伫停雲靄二時雨濛二表同昏平

陸成江有酒有酒閑飲東牕願言懷人

舟車靡從東園之樹枝條再榮競用新

好

一作競  
親好

以招余情人亦有言日月于

征安得但席說彼平生翻

二飛

一作輕

鳥

息我庭柯斂翻閑止好聲相和豈無他人  
念子寔多願言不獲抱恨如何

時運

并序

時運遊暮春也春服既成景物斯和偶  
影獨遊欣慨交心

邁二時運穆二良朝嚴我春服薄言東



郊山滌餘靄宇曖微霄有風自南翼彼

新苗洋二平津乃漱乃濯邈二遐景載

欣載矚稱心而言人亦易足一作人亦有言稱心

是揮茲一觴陶然自樂延目中流悠二

清沂童冠齊業閑詠以歸我愛其靜寤

寐交揮但恨殊世邈不可追斯晨斯夕

言息其廬花藥分行林竹翳如清琴橫

牀一作膝濁酒半壺黃唐莫逮慨獨在予

榮木 并序

榮木念將老也日月推遷已復有

一作九

夏總角聞道白首無成

采二榮木結根于茲晨耀其華夕已喪  
之人生若寄顛顛有時靜言孔念中心  
悵而采二榮木于茲託根繁華朝起慨  
暮不存貞脆由人禍福無門匪道曷依  
匪善奚敦嗟予小子稟茲固陋徂年既  
流一作遂往業不增舊志彼弗舍安此日富  
我之懷矣怛焉內疚先師遺訓予豈云

墜四十無聞斯不足畏脂我名車策我  
名驥千里雖遙孰敢不至

贈長沙公族祖

并序

長沙公於余為族祖同出大司馬昭穆  
既遠已為路人經過潯陽臨別贈此

同源分流人易世踈慨然寤歎念茲厥  
初禮服遂悠歲月眇徂感彼行路眷然  
躊躇於穆令祖允構斯堂諧氣冬暉

宋本

作暄映懷珪璋爰采春花載驚秋霜

一作爰采

春苑載  
散秋霜

我曰欽哉實宗之光伊余云遘

在長忘同言笑未久逝焉西東遙遙三  
湘滔滔九江山川阻遠行李時通何以  
寫心貽此話言進篲雖激終焉為山斲  
哉離人臨路淒然歛襟或遼音問其先

酬丁柴桑

有客有客爰來官止秉直司聰惠于百

里飡勝如歸聆善

一作音

若始匪惟諧也

屢有良由載馳載驅

一作言載眺

以寫我憂

放歡一遇既醉還休寔欣心期方從我  
遊

荅龐參軍

并序

龐為衛軍參軍從江陵使上都過潯陽  
見贈

衡門之下有琴有書載彈載詠爰得我  
娛豈無他好樂是幽居朝為灌園夕偃  
蓬廬人之所寶尚或未珍不有同愛去  
胡以親我求良友寔覲懷人歡心孔洽

棟宇唯鄰伊余懷人欣德孜孜我有旨  
酒與汝樂之乃陳好言乃著新詩一日  
不見如何不思嘉遊未數誓將離兮送  
爾於路銜觴無忻依舊楚邈邈西雲  
之子之遠良話曷聞昔我云別倉庚載  
鳴今也遇之霰雪飄零大藩有命作使  
上京豈晏宴安王事靡甯慘慘寒日肅  
肅其風翩彼方舟容與江中勗哉証人  
在始思終勗茲良晨以保爾躬

勸農

悠<sub>二</sub>上古厥初生民傲然自足抱朴含  
真智巧既萌資待靡曰誰其贍之寔賴  
哲人哲人伊何時惟后稷贍之伊何實  
曰播植舜既躬耕禹亦稼穡遠若周典  
八政始食熙<sub>二</sub>令德猗<sub>二</sub>原陸卉木繁  
榮和風清穆紛<sub>二</sub>士女趣時競逐桑婦  
宵征農夫野宿氣節易過和澤難久異  
缺攜儂沮溺結耦相彼賢達猶勤龍畝

矧伊衆庶曳裾拱手民生在勤勤則不  
匱宴安自逸歲莫奚異儋石不儲飢寒  
交至願尔儔列能不懷媿孔耽道德樊  
須是鄙董樂琴書田園不履苟能超然  
投迹高軌敢不斂衽歆歎

一作讚

厥美

### 命子

悠二我祖爰自陶唐邈為虞賓歷世重  
光御龍勤夏豕韋翼商穆二司徒厥族  
以昌紘二戰國漢二衰周鳳隱於林幽



人在丘逸虬撓雲奔鯨駭流天集有漢  
眷余愍侯於赫愍侯運當攀龍撫劍夙  
邁顯茲武功書擔山河啓土開封疊二  
丞相允迪前蹤渾二長源蔚二洪柯羣  
川載導衆條載羅時有語默運回隆宬  
在我中晉業融長沙桓二長沙伊勲伊  
德天子疇我專征南國功遂辭歸臨寵  
不忒孰謂斯心一作遠而近可得肅矣我  
祖慎終如始直方二臺惠和千里於皇

仁考淡焉虛止寄迹風雲冥茲愠喜嗟  
余寡陋瞻望弗及願慙華鬢負景隼立  
三千之罪無後為急我誠念哉叻聞爾  
泣卜云嘉日占亦良時名汝曰儼字爾  
求思溫恭朝夕念茲在茲尚想孔伋庶  
其企而厲夜生子遽而求火凡百有心  
奚特於我既見其生實欲其可人亦有  
言斯情無假日居月諸漸免於孩福不  
虛至禍亦易來夙興夜寐願爾斯才爾

之不才亦已焉哉

歸鳥

翼翼歸鳥晨去于林遠之八表近憇雲  
岑和風不洽翻翻求心願儔相鳴景庇  
清陰翼翼歸鳥載翔載飛雖不懷遊見  
林情依遇雲頡頏相鳴而歸遐路誠悠  
性愛無遺翼翼歸鳥馴宋本林徘徊豈  
作相思天路欣反舊棲雖無昔侶衆聲每諧  
日夕氣清悠然其懷翼二歸鳥戢羽寒

條遊不曠林宿不森標晨風清興好音

時交矰繳奚施已卷安勞

一作旦  
莫道遥

陶淵明集卷第一

陶淵明集卷第二

詩

形影神

并序

貴賤賢愚莫不營營以惜生斯甚惑焉  
故極陳形影之苦言神辨自然以釋之  
好事君子共取其心焉

形贈影

天地長不沒山川無改時

一作如故時

草木

得常理霜露榮悴之謂人最靈智獨復

不知茲適見在世中奄去靡歸期奚覺  
無一人親識豈相思一作相但餘平生  
物舉目情悽洒我無騰化術必尔不復  
疑願君取吾言得酒莫苟辭

影荅形

存生不可言衛生每苦拙誠願游崑華  
邈然茲道絕與子相遇來未嘗異悲悅  
態蔭若暫乖止日終不別此同既難常  
黯爾俱時滅身沒名亦盡念之五情熱

立善有遺愛胡可不自竭酒云能銷憂

方此詎

一作誠

不劣

神釋

大鈞無私力萬物自森著人為三才中  
豈不以我故與君雖異物生而相依附  
結託善惡一作既喜同安得不相與三皇大  
聖人今復在何處彭祖愛永年欲留不  
得住老少同一死賢愚無復數日醉或  
能忘將非但齡具立善常所欣誰當為

汝譽甚念傷吾生正宜委運去縱浪大  
化中不喜亦不懼應盡便湏盡無復獨  
多慮

九日閑居并序

余閑居愛重九之名秋菊盈園而持醪  
靡由空服其華寄懷於言

世短意怕多斯人樂久生日月依辰至  
舉俗愛其名露淒暄風息氣澈天象明  
往燕無遺影來鴈有餘聲酒能祛百慮



菊為

一作解

制頽齡如何蓬廬士空視時

運傾塵爵恥虛壘寒華徒自榮歛襟獨  
閑謠緬焉起深情棲遲固多娛淹留豈  
無成

歸園田居六首

少無適俗韻性本愛邱山誤落塵網中  
一去三十年羈鳥戀一作舊林池魚思

故淵開荒南野際守拙歸園田方宅十  
餘畝草屋八九間榆柳蔭後簷桃李羅

堂前曖曖遠人村依依墟里煙狗吠深  
巷中鷄鳴桑樹巔戶庭無塵雜虛室有  
餘閑久在樊籠裏復得及自然

野外罕人事窮巷寡

一作鮮

輪鞅白日掩

荆扉虛室絕塵想時復墟曲中披草共  
來往相見無雜言但道桑麻長桑麻日  
已長我志日已廣常恐霜霰至零落同  
草莽

種豆南山下草盛豆苗稀侵晨理荒穢

帶月荷鋤歸道狹草木長夕露沾我衣  
衣沾不足惜但使願無違

久去山澤游浪莽林野娛試携子姪輩  
披榛步荒墟徘徊邱隴間依依昔人居  
井竈有遺處桑竹殘朽株借問採薪者  
此人皆焉如薪者向我言死沒無復餘  
一世異朝市此語真不虛人生似幻化  
終當歸空無

悵恨獨策還崎嶇歷榛曲澗水清且淺

遇以濯吾足漉我新熟酒  
隻雞招近局日入室中閣  
荆薪代明燭歡來苦夕短  
已復至天旭

種苗在東臯苗生滿阡陌  
雖有荷鋤倦濁酒聊自適  
日莫巾柴車路暗光已夕  
歸人望煙火稚子候簷隙  
問君亦何為百年會有役  
但願桑麻成蚕月得紡績  
素心正如此開運望三益

或云此篇非淵明所作

問來使

南唐本有此一首

爾從山中來早晚發天目我屋南窓下  
今生幾叢菊薔薇葉已抽秋蘭氣當馥  
歸去來山中山中酒應熟

遊斜川

并序

辛丑歲正月五日天氣澄和風物閑美  
與一二隣曲同遊斜川臨長流望層城  
魴鯉躍鱗於將夕水鷗乘和以翻飛彼  
南阜者名實舊矣不復乃為嗟歎若夫  
層城傍無依接獨秀中臯遙想靈山有

愛嘉名欣對不足率爾

一作共

賦詩悲日

月之遂往悼吾年之不留各疏年紀鄉里以記其時曰

開歲倏五十吾生行歸休念之動中懷  
及辰為茲遊氣和天唯澄班坐依遠流  
弱湍馳文魴閑谷矯鳴鷗迥澤散游目  
緬然睇層邱雖微九重秀願瞻無匹儔  
提壺接賓侶引滿更獻酬未知從今去  
當復如此不中腸縱遙情忘彼千載憂

且極今朝樂明日非所求

示周掾祖謝

負痾頽簷下終日無一欣藥石有時閑  
念我意中人相去不尋常道路邈一作

無日周生述孔業祖謝響然臻道喪向

千載今朝復斯聞馬隊非講肆校書亦

已勤老夫有所愛思與爾為隣願君謝

諸子

一作願言  
誨諸子

從我潁水濱

乞食

飢來驅我去

一作出

不知竟何之行二至

斯里叩門拙言辭主人解

一作諧

余意遺

贈副虛期談話終日夕觴至輒傾杯情  
欣新知歡言詠遂賦詩感子漂母惠媿  
我韓才非銜戢知何謝冥報以相貽

諸人共遊周家墓柏下

今日天氣佳清吹與鳴彈感彼柏下人  
安得不為歡清歌散

一作發

新聲綠酒開

芳顏未知明日事余襟良已彈



怨詩楚調示龐主簿鄧洵中

天道幽且遠鬼神茫昧然結髮念善事

僂俛六九

五十一作

年弱冠逢世阻始室喪

其偏炎火屢焚和螟蟻恣中田風雨縱

橫至收斂不盈厚夏日長抱飢寒夜無

被眠造夕思鷄鳴及晨願鳥遷在已何

怨天離憂悽目前吁嗟身後名於我若

浮煙慷慨獨

激一作

悲歌鍾期信為賢

答龐參軍并序

三復來貺欲罷不能自爾隣曲冬春再  
交欵然良對忽成舊游俗諺云數面成  
親舊况情過此者乎人事好乖便當語  
離楊公所歎豈惟常悲吾抱疾多年不  
復為文本既不豐復老病繼之輒依周  
禮一作孔往復之義以為別後相思之資  
相知何必舊傾蓋定前言有客賞我趣  
每二願林園談諧無俗調所說聖人篇  
或有數斗酒閑飲自歡然我寔幽居士

無復東西緣物新人唯舊弱毫多所宣  
情通一作懷萬里外形跡滯江山君其愛  
體素來會在何年

五月旦作和戴主簿

虛舟縱逸棹迴復遂無窮發歲始俛仰  
星紀奄將中南窓罕悴物北林榮且豐  
萍光一作神淵寫時雨晨色奏景風既來孰  
不去人理固有終居常殆其盡曲肱豈  
傷冲遷化或夷險肆志無窳隆即事如

已高何必升華嵩

連雨獨飲

運生會歸盡終古謂之然世間有松喬  
於今定何間故老贈余酒乃言飲得仙  
試酌百情遠重觴忽忘天天際去此幾

一云天豈  
去此哉

任真無所先雲鶴有竒翼八

表須臾還顧我抱茲獨儂俛四十年形  
骸久已化心在復何言

移居二首

昔欲居南村非為卜其宅聞多素心人  
樂與數晨夕懷此頗有年今日從茲役  
弊廬何必廣取足蔽床席鄰曲時時來  
抗言談在昔竒文共欣賞疑義相與析  
春秋多佳日登高賦新詩過門更相呼  
有酒斟酌之農務各自歸閑暇輒相思  
相思則披衣言笑無厭時此理將不勝  
無為忽去茲衣食當須紀力耕不吾欺

和劉柴桑

山澤久見招胡事乃躊躇直為親舊故  
未忍言索居良辰入竒懷挈杖還西廬  
荒塗無歸人時時見廢墟茅茨已就治  
新疇復應畬谷風轉淒薄春醪解飢劬  
弱女雖非男慰情良勝無栖栖世中事  
歲月共相踈耕織稱其用過此奚所須  
去去百年外身名同翳如

酬劉柴桑

窮居寡人用時忘四運周門庭多落葉

慨然知己秋新葵鬱北墉一作嘉穉卷

南疇今我不為樂知有來歲不命室携

童弱良曰登遠遊

和郭主簿二首

藹二堂前林中夏貯一作復清陰凱風曰

時來回飈開我襟息交游閑業卧起弄

書琴園蔬有餘滋舊穀猶儲今營已良

有極過足非所欽春林作美酒二熟吾

自斟酌子戲我側學語未成音此事真

復樂聊用忘華簪  
遥望白雲懷古一  
何深

和澤周三春  
清涼素秋節  
露凝無游氛  
天高風景澈  
陵岑聳逸峯  
遥瞻皆竒絕  
芳菊開林耀  
青松冠巖列  
懷此貞秀姿

卓為山一作霜  
下傑銜觴念幽人  
千載撫

爾訣檢素不獲展  
厭二音良月

於王撫軍座送客

冬日淒且厲  
百卉具已腓  
爰以履霜節



登高餞將歸寒氣冒山澤游雲倏無依  
州渚四緬邈風水互乖違瞻夕欣良讌  
離言聿云悲晨鳥莫來還懸崖一作車斂  
餘暉逝止判殊路旋駕悵遲二目送迴  
舟遠情隨萬化遺

與殷晉安別 并序

殷先作晉安南府長史掾因居潯陽後  
作太尉參軍移家東下作此以贈

遊好非久長一遇盡慙懃信宿訓清話

益復知為親去歲家南里薄作少時隣  
負杖肆遊從淹留忘宵晨語默自殊勢  
亦知當乖分未謂事已及興言在茲春  
飄二西來風悠二東去雲山川千里外  
言笑難為曰良才一作華不隱世江湖多  
賤貧脫有經過便念來存故人

贈羊長史

左軍羊長史銜使秦川作此與之  
羊名齡  
愚生三季後慨然念黃虞得知千載上

正賴古人書賢聖留餘迹事二在中都  
豈忘游心目關河不可踰九域甫爾去  
逝將理舟輿聞君當先邁負病不獲俱  
路若經商山為我少躊躇多謝綺與角  
一作園精爽今何如紫芝誰復採深谷久  
應蕪馬馬無貫患貧賤有交娛清謠結  
心曲人乘運見踈擁懷累代下言盡意  
不舒

歲莫和張常侍

市朝悽舊人驟驥感悲泉明旦非今日

歲莫余何言素顏斂光潤白髮一已繁

闊哉秦穆談旅力豈未愆向夕長風起

寒雲沒西山厲厲一作冽冽氣遂嚴紛二飛

鳥還民生鮮常在矧伊愁苦纏屢缺清

醕至無以樂當年窮通靡欣一作收慮顛

顛由化遷撫已有深懷履運增慨然

和胡西曹示顧賊曹

蕤賓五月中清朝起南颺不駛亦不遲

飄二吹我衣重雲蔽白日閑雨紛微二

流目視西園擘二榮紫葵於今甚可愛

奈何當行一作復衰感物願及時每恨靡

所揮悠二待秋稼寥落將賒遲逸想不

可淹猖狂獨長悲

悲從弟劭德

銜哀過舊宅悲淚應心零借問為誰悲

懷人在九冥禮服名羣從恩愛若同生

門前執手時何意爾先傾在數竇不免

為山不及成慈母沉哀疚二胤纒數齡  
雙位委空館朝夕無哭聲流塵集虛坐  
宿草旅依一作前庭階除曠遊迹園林獨  
餘情翳然乘化去終天不復形遲二將

迴步惻二悲襟盈

一作襟  
涕盈

陶淵明文集卷第二

陶淵明集卷第三

詩

文選五臣注陶淵明辛丑歲七月  
赴假還江陵夜行塗中詩題云淵  
明詩晉所作者皆題年號入宋所  
作但題甲子而已意者恥事二姓  
故以異之思悅考淵明之詩有以  
題甲子者始庚子距丙辰凡十七  
季間只九首耳皆晉安帝時所作

也中有乙巳歲三月為建威參軍  
使都經錢溪作此年秋乃為彭澤  
令在官八十餘日即解印綬賦歸  
玄來多辭後一十六年庚申晉禪  
宗恭帝元熙二年也蕭德施淵明  
傳曰自宗高祖王業漸隆不復肯  
仕於淵明之出處得其實矣甯容  
晉未禪宗前二十年輒恥事二姓  
兩作詩但題甲子而自取異哉矧



詩中又無有標晉年號者首所題  
甲子蓋偶記一事耳後人類而次  
之亦非深明之意也世之好事者  
多尚舊說今日詳校故書於第三  
卷首以明五臣之失且祛來者之  
惑焉

始作鎮軍叅軍經曲阿

弱齡寄事外委懷在琴書被褐欣自得  
屢空常晏如時來苟冥會婉孌

一作  
踈態

通衢投策命晨裝暫與園田踈眇二孤  
舟逝綿二歸思紆我行豈不遙登陟千  
里餘目倦川塗異心念山澤居望雲慙  
高鳥臨水愧游魚真想初在襟一作在襟懷  
誰謂形蹟拘聊且憑化遷終返班生廬

庚子歲五月中後都還阻風  
於規林二首

行行循歸路計日望舊居一欣侍溫顏  
一作清再喜見友于鼓棹路崎曲指景限

西

一作四

隅江山豈不險歸子念前途凱

風負我心哉柰守窮湖高莽眇無界夏

木獨森疎誰言客舟遠近瞻百里餘延

目識

一作城

南嶺空歎將焉如

自古歎行役我今始知之山川一何曠

巽坎難與期崩浪聒天響長風無息時

久游戀所生如何淹在茲靜念園林好

人間良可辭當年詎有幾縵心復何疑

辛丑歲七月赴假還江陵夜

行塗中

閑居三十載，遂與塵事冥。  
詩書數宿好，林園無俗情。  
如何捨此去，遙遙至南荆。  
叩枻新秋月，臨流別友生。  
涼風起將夕，夜景湛靈明。  
昭昭天宇闊，皛皛川上平。  
懷役不遑寐，中宵尚孤征。  
商歌非吾事，依依在耦耕。  
投冠旋舊墟，一作廬不為好爵縈。  
養真衡茅下，庶以善自名。

癸卯歲始春懷古田舍二首

在昔聞南畝當年竟未踐屢空既有人

春興豈自免夙晨裝吾駕啓塗情已緬

鳥哢歡新節冷風送餘善寒草一作竹被

荒蹊地為罕一作幽人遠是以植杖翁悠

然不復返即理愧通識所保詎成淺

先師有遺訓憂道不憂貧瞻望邈難逮

轉欲思長勤秉耒力時務解顏勸農人

平疇交遠風良苗亦懷新雖未量歲功

即事多所欣耕者一作種有時息行者無

問津日入相與歸壺漿勞近隣長吟掩  
柴門聊為隴畝民

癸卯歲十二月中作與從弟

劬遠

寢迹衡門下邈與世相絕顧眄莫誰知

荆扉晝常閉

一作荆門終日  
閉閉音方結及

淒二歲莫

風翳翳經日

一作夕

雪傾耳無希聲在目

皓已絜勁氣侵襟袖簞瓢謝屢設蕭索  
空宇中了無一可悅歷覽千載書時時

見遺烈高操非所攀深

宗本作謬

得固窮節

平津苟不由栖遲詎為拙寄意一言外  
茲契誰能別

乙巳歲三月為建威參軍使

都經錢溪

我不踐斯境歲月好已積晨夕看山川  
事二悉如昔微雨洗高林清飈矯雲翮  
眷彼品物存義風都未隔伊余何為者  
勉勵從茲役一形似有制素襟不可易

園田日夢想安得久離析一作終懷在

歸

一作  
壘

舟諒哉宜

一作  
負

霜柏

### 還舊居

疇昔家

一作  
居

上京六載去還歸今日始

復來惻愴多所悲阡陌不移舊色屋或

時非履歷周故居隣老罕復遺步二尋

往迹有處特依依流幻百年中寒暑日

相推常恐大化盡氣力不及衰撥一作  
廢

置且莫

一作  
旦暮

念一觴聊可揮



戊申歲六月中遇火

草廬寄窮巷甘以辭華軒正夏長風急

林室頓燒燔一宅無遺宇舫舟蔭門前

迢迢新秋夕亭亭月將圓果菜一作藥始

復生鷺鳥尚未還中宵竝遙念一盼周

九天總髮抱孤念一作諸孤奄出四十年形

迹憑化往靈府長獨閑貞剛自有質玉

石乃非堅仰想東戶時餘糧宿中田鼓

腹無所思朝起暮歸眠既已不遇茲且

遂灌我園

己酉歲九月九日

靡二秋已夕淒二風露交蔓草不復榮

園林

一作木

空自凋清氣澄餘滓杳然天

男高衆蟬無歸響藁鴈鳴雲霄萬化相  
尋繹人生豈不勞從古皆有沒念之中  
心焦何以稱我情濁酒且自陶千載非  
所知聊以永今朝

庚戌歲九月中於西田穫早

稻

人生歸有道

一作事

衣食固其端

一作執

是都不營而以求自安開春

一作春事

理常

業歲功聊可觀晨出肆微勤日入負耒

還

一作負耒

山中饒霜露風氣亦先寒田家

豈不苦弗獲辭此難四體誠乃疲交無

異患干盥濯息簷下斗酒散襟顏遙遙

沮溺心千載乃相關但願長如此躬耕

非所歎

丙辰歲八月中於下溪田舍

穫

貧居依稼穡

一作事  
耕稼

勸力東林隈不言

春作苦常恐負所懷  
司田眷有秋寄聲

與我諧飢者歡初飽  
束帶候鳴鷄揚楫

越平湖汎隨清壑迴  
鬱<sub>二</sub>荒山裏猿聲

閑且哀悲風愛靜夜  
林鳥喜晨開曰余

作此來三四星火頽  
姿年逝已老其事

未云乖遙謝荷篠翁  
聊得從君栖

飲酒二十首 并序

余閑居寡歡兼比夜已長偶有名酒無  
夕不飲顧影獨盡忽焉復醉既醉之後  
輒題數句自娛紙墨遂多辭無詮次聊  
命故人書之以為歡笑爾

衰榮無定在

一作  
所

彼此更共之邵生瓜

田中甯似東陵時寒暑有代謝人道每

如茲達人解其會

一作  
趣

逝將不復疑忽

與一觴酒日夕歡自持

積善云有報夷舛在西山善惡苟不應

何事空立言九十行帶索飢寒况一作抱

當年不賴固窮節百世當誰傳

道喪一作衰向千載人人惜其情有酒不

肯飲但顧世間名所以貴我身豈不在

一生一生復能幾倏如流電驚一作倏忽若沉

星鼎鼎百年內持此欲何成

栖栖失羣鳥日莫猶獨飛裴回無定止

夜夜聲轉悲厲響思清遠去來何依依

一作厲響思清  
晨遠去何所依

曰值孤生松斂翻遙

一作

終來歸勁風無榮木此廕獨不衰託身

已得所千載不相違

結廬在人境而無車馬喧問君何能

一作

為爾心遠地自偏採菊東籬下悠然見

南山山氣日夕佳飛鳥相與還此中

一作

還有真意欲辯已

一作忽

忘言

行止千萬端誰知非與是是非苟相形

雷同共譽毀三季多此事達士似不爾

吐二俗中惡且當從黃綺

秋菊有佳色  
裛露掇其英  
汎此忘憂物  
遠我遺世情  
一觴雖獨進  
杯盡壺自傾  
日入羣動息  
歸鳥趨林鳴  
嘯傲東軒下  
聊復得此生

青松在東園  
衆草沒其姿  
凝

晨一作

霜珍

異類卓然見  
高枝連

叢一作

林人不覺獨

樹衆乃奇

一作知

提壺挂

一作撫

寒柯遠望

時復為

一作何為復

吾生夢幻間  
何事絀塵



羈

清晨聞叩門倒裳往自開問子為誰與  
田父有好懷壺漿遠見候疑我與時乖  
縑縷茅簷下未足為高栖舉世皆尚同  
願君汨其泥深感父老言稟氣寡一作少  
所諧紆轡誠可學違已詎非迷且共歡  
此飲吾駕不可迴

在昔曾遠遊直至東海隅道路迴且長  
風波阻一作起中途此行誰使然似為飢

所驅傾身營一飽少許便有餘恐此非  
名計息駕歸閑居

顏生稱為仁榮公言有道屢空不獲年

長飢至于

一作  
燒

老雖留身後名一生亦

枯槁死去何所知稱心固為好客

一作  
客

養千金軀臨

一作  
幻

化消其寶裸葬何必

惡人當解意表

一作  
其表

長公曾一仕壯節忽失時松門不復出

終身與世辭仲理歸大澤高風始在

一作

如茲一往便當已何為復狐疑去去當  
奚道世俗久相欺擺落悠悠談請從余  
所之

有客常同止取捨邈異境一士長獨醉

一夫終年醒醒醉還一作相笑發言各

不領規規一何愚兀傲若若穎寄言酣

中客日沒燭可炳一作何炳

故人賞我趣挈壺相與至班荆坐松下

數斟已復醉父老雜亂言觴酌失行次

不覺知有我安知物為貴悠悠一作吐吐迷

所留

一作之

酒中有深味

一作固多味

貧居乏人工灌

一作卉

木荒余宅班班有

翔鳥寂寂無行跡宇宙一何悠

一作悠悠何

人生少至百歲月相催逼

一作從過

鬢邊早

已白若不委窮達素抱深可惜

少年罕人事遊好在六經行行向不惑

淹留自

一作遂

無成竟抱固窮節飢寒飽

所更弊廬交悲風荒草沒前庭披褐守

長夜晨雞不肯鳴  
益公不在茲  
終以翳  
吾情

幽蘭生前庭  
含薰待清風  
清風脫然

一作

若至見別蕭艾中  
行行失故路  
任道或  
能通覺悟  
當念還鳥  
盡廢良弓

子雲性嗜酒  
家貧無由得  
時賴好事人  
載醪祛所惑  
觴來為之盡  
是諮無不塞  
有時不肯言  
豈不在伐國  
仁者用其心  
何嘗失顯默

疇昔苦長飢投耒去學仕將養不得節

凍餒固

一作故

纏己是時向立年志意多

所耻遂盡介然分終死

一作拂衣

歸田里冉

冉星氣流亭亭復一紀世路廓悠悠揚

朱所以止

一作何以止揚岐

雖無揮金事濁酒

聊可恃

羲農去我久舉世少復真汲汲魯中叟

彌縫使其淳鳳鳥雖不至禮樂暫得

一作

時新洙泗輟微響漂流逮狂秦詩書復

何罪一朝成灰塵區區諸老翁為事誠  
慙慙如何絕世下六籍無一親終日馳  
車走不見所問憑一作津若復不快飲空  
負頭上巾但恨多謬誤君當恕醉人

止酒

居止次城邑逍遙自閑止坐止高蔭下

步一作行止葦門裏好味止園葵大一作天

歡止稚子平生不止酒止酒情一作懼無

喜暮止不安寢晨止不能起日日欲止

之營衛止不理徒知止不樂未信止利  
已始覺止為善今朝真止矣從此一止  
去將止扶桑淡清顏止宿容一作客奚止  
千萬祀

述酒

儀狄造杜康潤色之宋  
本云此篇與題非本意  
此諸本如

重离照南陸鳴鳥聲相聞秋草雖未黃  
馱風久已分素礫一作襟晶一作輝脩渚南嶽無  
餘雲豫章抗高門重華固靈一作虛墳流



淚抱中歎傾耳聽司晨神州獻嘉粟西

靈

一作雲  
又作零

為我馴諸梁董師旅芊

一作  
羊非

勝垂其身山陽歸下國成名猶不勤卜

生善斯牧安樂不為君平生去舊京峽

中納遺薰雙陵

一作  
陽

甫云育三趾顯奇

文王子愛清吹日中翔河汾朱公練九

齒閑居離世紛我二

西嶺

一作  
四顧

內偃息

得所親天容自永固彭殤非等倫

責子

舒儼宣侯  
凡五人

舒宣雍  
宣雍端  
端供通

時小名也  
侯一作僕

白髮被兩鬢肌膚不復實雖有五男兒  
總不好紙筆阿舒已二八懶惰故無匹  
阿宣行志學而不愛文術雍端年十三  
不識六與七通子垂九齡但念一作覓梨  
與栗天運苟如此且進杯中物

有會而作并序

舊穀既沒新穀未登頗為老農而值年  
灾日月尚悠為患未已登歲之功既不

可希朝夕所資煙火裁通旬日已來始  
念飢乏歲云夕矣慨然永懷今我不述  
後生何聞哉

弱年逢家之老至更長飢蔴麥實所羨

孰敢慕甘肥怒如亞九

一作惡無

飯當暑厭

寒衣歲月將欲暮如何辛苦

一作足新

悲常

善粥者心深恨蒙袂非嗟來何足吝徒

沒空自遺斯濫豈彼

一作攸

志固窮夙所

歸餒也已矣夫在昔余多師

陶集三  
五  
蜡日

風雪送餘運無妨時已和梅柳夾門植  
一條有佳花我唱爾言得酒中適何多  
未能明多少章山有奇歌

四時

春水滿四澤夏雲多奇峯秋月揚明暉

冬嶺秀孤

寒一作松

陶淵明文集卷第三



陶淵明文集卷第四



詩

擬古九首

榮榮牕下蘭  
 密密堂前柳  
 初與君別時  
 不謂行當久  
 出門萬里客  
 中道逢佳友  
 未言心相醉  
 不在接杯酒  
 蘭枯柳亦衰  
 遂令此言負  
一作時沒  
 多謝諸少年  
 相知不中厚  
一作厚  
 意氣傾人命  
 離隔復何有

辭家夙嚴駕當往至無終問君今何行  
非商復非戎聞有田子春節義為士雄  
斯人久已死鄉里習其風生有高世名  
既沒傳無窮不學狂一作馳子直在百  
年中

仲春遘時雨始雷發東隅衆蟄各潛駭

草木從橫

此一作

舒翮

二

新來燕雙二入

我廬先巢故尚在相將還舊居自從分  
別來門庭日荒蕪我心故匪石君情定

何如

迢迢百尺樓  
分明望四荒  
暮作歸雲宅  
朝為飛鳥堂  
山河滿目中  
平原獨茫茫  
古時功名士  
慷慨爭此場  
一旦百歲後  
相與還北邙  
松柏為人伐  
高墳互低昂  
頽墓無遺主  
游魂在何方  
榮華誠足貴  
亦復可憐傷

東方有一士  
被服常不完  
三旬九遇食  
十年著一冠  
辛苦無此比  
常有好看顏

我欲觀其人，晨去越河關。  
青松夾路生，白雲宿簷端。  
知我故來意，取琴為我彈。  
上絃驚別鶴，下絃操孤鸞。  
願留就君住，從今至歲寒。

蒼二谷中樹，冬夏常如茲。  
年年見霜雪，

誰謂不知時。厭聞世上語，  
結友到臨淄。

糴下多談士，指往一作決。  
吾疑裝束既

有日，已與家人辭。行行傳出門，  
還坐更

自思，不怨道里長。但畏人我欺，  
萬一不



合意永為世笑之伊懷誰與一作難具道為

君作此詩

日暮天無雲春風扇溼和佳人美清夜

達曙酣且歌二竟長歎息持此感人多

皎二雲間月灼二葉中華豈無一時好

不久當如何

少時壯且厲撫劍獨行遊誰言行遊近

張掖至幽州飢食首陽薇渴飲易水流

不見相知人惟見一作純是古時邱路邊兩

高墳伯牙與莊周此士難再得吾行欲  
何求

種桑長江邊三年望當採枝條始欲茂

忽值山河

一作川

改柯葉自摧折根株浮

滄海春蠶既無食寒衣欲誰待本不植  
高原今日復何悔

雜詩十二首

人生無根蒂飄如陌上塵  
分散逐風轉此已非常身  
流落成兄弟何必骨肉親

得歡當作樂，斗酒聚比隣。盛年不重來，  
一日難再晨。及時當勉勵，歲月不待人。  
白日淪西河，素月出東嶺。遙二万里暉，  
蕩二空中景。風來入房戶，中夜枕席冷。  
氣變悟時易，一作不眠知夕永。欲言無  
余和，揮杯勸孤影。日月擲人去，有志不  
獲騁。念此懷悲悽，終曉不能靜。  
榮華難久居，盛衰不可量。昔為三春蕖，  
今作秋蓮房。嚴霜結野草，枯悴未遽央。

日月有環周

一作復

我去不再陽眷

二往

昔時憶此斷人腸

丈夫志四海我願不知老親戚共一處

子孫還相保筋絃肆朝日樽中酒不燥

緩帶盡歡娛起晚眠常早熟若當世士

冰炭滿懷抱百年歸

一作歸

邱壑用此空

名道

憶我

一作昔

少壯時無樂自欣豫猛志逸

四海騫

一作輕

翮思遠翦荏苒歲月頽此

心稍已去，值歡無復，娛每每多，憂慮氣力漸衰，損轉覺日不如壑舟，無須史引。我不得住前塗，當幾許未知止泊。一作宿處古人惜寸陰，念此使人懼。

昔聞長者

一作老

言掩耳，每不喜柰何五

十年忽已親此事，求我盛年

一作時

歡一

毫無復意，去去轉欲遠，此生豈

一作難

再

值傾家時，作

一作持此

樂竟此歲月，駛有子

不留金，何用身後置

宗本  
作事

日月不肯遲四時相催迫寒風拂枯條

落葉掩

滿一作

長陌弱質與運頰元鬢早

已白素標插人頭前塗漸就窄家為逆  
旅舍我如當去客去去欲何之南山有

舊宅

代耕本非望所業在田桑躬親未曾替  
寒餒常糴糠豈期過滿腹但願飽粳糧  
御冬足大布庶締以應陽政尔不能得  
哀哉亦可傷人皆盡獲宜拙生失其方

理也可奈何且為陶一觴

遙遙從羈役一心處兩端  
掩淚汎東逝順流追時遷  
日沒星與昴勢翳西山巔  
蕭條隔天涯惆悵念常飡  
慷慨思南歸路遐無由緣  
關梁難虧替絕音寄斯篇  
閑居執蕩志時駛不可稽  
驅役無停一作休  
息軒裳逝東崖沉陰擬薰  
麝寒氣激我懷一作我懷  
歲月有常御我來淹已彌  
慷慨憶綢繆此情久已離  
荏苒

我懷

一作風激我懷

歲月有常御我來

淹已彌慷慨憶綢繆此情久已離荏苒

經十載暫為人  
所羈庭宇翳餘木  
條忽日月虧

我行未云遠  
迴顧慘風涼  
春燕應節起  
高飛拂塵梁  
邊鴈悲無所  
代謝歸北鄉  
離鷗鳴清池  
涉暑經秋霜  
愁人難為辭  
遙遙春夜長

嫋嫋松標崖  
婉孌柔童子  
年始三五間  
高柯何可倚

一作柯條  
何滓滓

養色含津氣  
繁

然有心理



詠貧士七首

萬族各有託，孤雲獨無依。  
曖曖空中滅，何時見餘暉。  
朝霞開宿霧，衆鳥相與飛。  
遲遲出林翮，未久復來歸。

一作未夕  
已復歸

量

力守故轍，豈不寒與飢。  
知音苟不存，已

矣何所悲。

一作當  
告誰

淒厲歲云暮，擁褐曝前軒。  
南圃無遺秀，枯條盈北園。  
傾壺絕餘瀝，窺竈不見煙。  
詩書塞坐外，日具不遑研。  
閑居非陳厄

竊有愠見言何以慰吾懷賴古多此賢

榮叟老帶

一作榮

索欣然方彈琴原生納

決屨

一作履

清歌暢高音重華去我久貧

士世相尋弊襟不掩肘藜羹常乏斟豈  
忘嚴輕裘苟得非所欽賜也徒能辯乃  
不見吾心

安貧守賤者自古有黔婁好爵吾不榮

厚饋吾不酬一旦壽命盡弊服仍

一作蔽履

乃不周豈不知其極非道故無憂從來

將千載未復見斯儔朝與仁義生夕死  
復何求

袁安門積雪邈然不可干阮公見錢入

即日棄其官芻藁

一作  
藎藁

有常溫採莒

一作

采之足朝食豈不實辛苦所懼非飢寒貧

富常交戰道勝無戚

一作  
厚

顏至德冠邦

閻清節映西關

仲蔚愛窮居遠宅生蒿蓬翳然絕交游

賦詩頗能工舉世無知者止有一劉龔

此士胡獨然寔由罕所同介焉安其業

所樂非窮通人事固已拙聊得長相從

昔在

一作有

黃子廉彈冠佐名州一朝辭

吏歸清貧略難儔年飢感仁妻一作事泣

涕向我流丈夫雖有志固為兒女一作孫

憂惠孫一晤歎腆贈竟莫酬誰云固窮

難節

一作

邈哉此前脩

### 詠二疎

大象轉四時功成者自去借問衰一作商

周來幾人得其趣游目漢廷中二踈復  
此舉高嘯返舊居長捐儲君傳餞送傾  
皇朝華軒盈道路離別情所悲餘榮何  
足顧事勝感行人賢哉豈常譽厭二閭  
里歡所營非近務但席延故老揮觴道  
平素問金終寄心清言曉未悟故意樂  
餘年遑恤身後慮誰云其人亡久而道  
彌著

詠三良

彈冠乘通津但懼時我遺服勤盡歲月

常恐功愈微忠一作中情謬獲露遂為君

所私出則陪文輿入必侍丹帷歲規嚮

已沒計議初無虧一朝長逝後願言同

此歸厚恩固一作心難忘君命一作願安可

違臨穴罔惟一作遲疑投義志收希荆棘

籠高墳黃鳥聲止悲良人不可贖泣然

沾我衣

詠荆軻

燕丹善養士志在報強羸招集百夫良

歲暮得荆卿君

一作之

子死知已提劍出

燕京素驥鳴廣陌慷慨送我行雄髮指

危冠猛氣衝長纓飲饒易水上四座列

群英漸離擊悲筑宋意唱高聲蕭<sub>二</sub>哀

風逝

一作起

淡<sub>二</sub>寒波生商音更流涕羽

奏壯士驚公知去不歸

一作一去  
知不歸

且有

後

一作百

世名登車何時願飛蓋入秦庭

凌厲越萬里逶迤過千城圖窮事自至

豪主正忙營惜哉劍術踈竒功遂不成  
其人雖已沒千載有餘情

一作斯人久已沒千載有

情深

讀山海經十二首

孟夏草木長遶屋樹扶踈衆鳥欣有托

吾亦愛吾廬既耕亦一作且已種時還讀

我書窮巷隔深轍頗迴故人車歡然酌

春酒摘我園中蔬微雨從東來好風與

之俱汎覽周王傳流觀山海圖俯仰終



宇宙不樂復何如

玉堂

一作臺

凌霞秀玉母怡

一作積

妙顏天

地共俱生不知幾何年靈化無窮已館  
宇非一山高酣發新謠甯効俗中言

迢遞槐

一作槐

江嶺是謂元圃邱西南望

崑墟

一作崑崙

光氣難與儔亭亭明玕照落

落清瑤流恨不及周穆託乘一來游

丹木生何許迺在密山陽黃花復朱實  
食之壽命長白玉凝素液瑾瑜發奇光

豈伊君子寶見重我軒黃

一作皇

翩翩三青鳥毛色奇

一作甚

可憐朝為王

母使暮歸三危山我欲曰此鳥具

一作且

向王母言在世無所須唯酒與長年

一作

唯願此長年

逍遙蕪臯上杳然望扶木洪柯百萬尋

森散覆暘谷靈人侍

一作待

丹池朝朝為

日浴神景一登天何幽不見燭

粲粲三珠樹寄生赤水陰亭亭凌風桂

八幹共成林靈鳳撫雲舞神鸞調玉音  
雖非世上寶爰得王母心

自古皆有没何人得

一作河氏獨

靈長不死

復不老萬歲如平常赤泉給我飲負邱  
足我糧方與三辰游壽考豈渠央

夸父誕宏志乃與日競走俱至虞淵下  
似若無勝負神力既殊妙傾河焉足有  
餘迹寄鄧林功音在身後

精衛銜微石將以填滄海形夭無千歲

猛志故常在，同物既無慮。化去不復悔，徒設在昔心。良晨詎可待。

巨猾

一作危

肆威暴，欽馭違帝旨。窶窶強

能變，祖江遂獨死。明明上天鑒，為惡不

可履，長枯固已劇。

鷓鴣

一作鷓鴣

豈足恃

鷓鴣

一作鷓鴣

見城邑，其國有放士。念彼懷

王世，當時數來止。

一云念彼懷王時亦得數來止

青邱

有奇鳥，自言獨見爾。

一作理

本為迷者生

不以喻君子

巖巖

一作  
悠悠

顯朝市帝者慎

善一作

用才何

以廢共鮒重華為之來仲文獻誠言姜  
公乃見猜臨沒告飢渴當復何及哉

擬挽歌辭三首

有生必有死早終非命但昨暮同為人  
今旦在鬼錄魂氣散何之枯形寄空木  
嬌兒索父啼良友撫我哭得失不復知  
是非安能覺千秋萬歲後誰知榮與辱  
但恨在世時飲酒不得足

一作常  
不足

在昔無酒飲今但湛空觴春醪生浮蟻

何時更一作復能嘗肴案盈我前親舊哭

我傍欲語口無音欲視眼無光昔在高

堂寢今宿荒草鄉一本有荒草無人眠極視正茫茫二句極

又作直一朝出門去歸來良未央

荒草何茫茫白楊亦蕭蕭嚴霜九月中

送我出遠郊四面無人居高墳正崔嵬

馬為仰天鳴風為自蕭條一作鳥為動哀鳥林為結

風幽室一已閉千年不復朝千季不復

朝賢達無柰何向來相送人各自一作已  
還其家親戚或餘悲他人亦已歌死去  
何所道託體同山阿

聯句

鳴鴈乘風飛去去當何極念彼窮居士

如何不歎息淵明雖欲騰九萬扶搖竟何

一作無力遠招王子高雲駕庶可飭情顧

侶正徘徊離離翔天側一作顧侶正離

霜露豈不切務從忘愛翼循之一作霜  
落不切飢徒

愛雙飛翼高柯擢條幹遠眺同天色思絕慶  
未看徒使生迷惑

陶淵明文集卷第四

